

Nan ta sumamente disgusta

ATIA ta urgi Gobierno pa drecha e mal servicio postal urgente

ORANJESTAD(AAN) -- Presidente di Aruba Trade & Industry Association, Lacle, a manda un carta habri pa Consejo di Minister, caminda den nomber di ATIA e ta expresa nan desapunto riba e structura y falta total di calidad di e servicio di post na Aruba. ATIA a perde tur confianza

den Servicio Postal di Aruba. E falta total di servicio di Servicio Postal di Aruba a conduci cu no solamente organizacionnan pero tambe henter e poblacion di Aruba ta hopi desapunta, frustra y hasta ta sufri daño.

Door di e mal servicio di post, a pone cu un cantidad di empresa a haya nan forza di

entre otro haci uso di koeriers special ca ta costa extra placa cual absolutamente no tabata necesario.

E placa cu comunidad di Aruba ta paga (pagadornan di belasting) ta pone cu ATIA no por keda sin menciona e mal servicio aki.

Ya caba dos biaha ATIA a trece e asunto aki na cono-

mento di gobierno, cual te awor aki gobierno a ignora. Mirando cu eleccion ta na caminda, ATIA ta mira cu lo bin hopi problemanan mas grandi cu loke ya caba tin cu e servicio di post.

Como un di e paisnan mas rico y desaroya den e region aki, no por tolera e situacion aki. Independisacion y reor-

ganizacion di Servicio Postal mester haya e prioridad mas halto di gobierno.

ATIA ta pidi gobierno pa cu urgencia cuminsa traha riba e mehoracion structural di Servicio Postal cu ta algo cu pa basta tempo nan a priminti pa asina pueblo por conta riba un servicio postal adecua.

Mientras acuerdo cu AZV ta worde spera arivba corto termino

TIN ESPECIALISTA CU LO A COBRA DOS BEZ NA JANUARI

ORANJESTAD(AAN)- Ta trata di un eror administrativo? Mientras especialistanan mester yega na un acuerdo definitivo cu AZV pero ya tin palabracion cu nan lo ricibi nan pago dentro di 30 pa 45 dia y lo a cobra e suma cu nan mester a ricibi di AZV na Januari, aparentemente tin medico y especialista cu tabata traha pa Gobierno cu tambe a ricibi placa pa patientnan di Gobierno, pa cual nan a worde paga dor di AZV.

E situacion aki a keda presenta ayera na DIARIO pa informantenan bon na haltura di loke ta pasa den mundo medico. Nan a splica cu tabata un sorpresa pa cierto mediconan y especialistanan pa ricibi pago di Gobierno pa trabaonan cu nan lo a haci pa patientnan di Gobierno na luna di Januari, mientras cu tambe nan mester a ricibi nan pago pa e mes patientnan di parti di AZV.

"Tur lo debilbe e placa na Gobierno of Gobierno mes lo bay trata pa e placa worde debilbi?" un informante a puntra.

Aunke especialistanan no a firma cu AZV ainda, nan a yega na un fase transitorio. Esaki ta inclui entre otro cu e especialistanan lo atende patientnan y

cu nan lo worde paga dentro di 30 pa 45 dia. Di e forma aki mester worde invita cu e especialistanan lo tarda pa ricibi placa.

E problema cu e especialistanan, cu ta basa ariba e hecho cu Belasting a actua y a deduca placa di belasting ta keda vigente, aunke aparentemente tin indicacion cu especialistanan lo yega na un acuerdo

cu AZV prome cu e aseguro medico general yega na un acuerdo cu dokternan di cas mes.

Na e momentonan aki e especialistanan lo ta traha a base di un fase transitorio en espera di e momento cu nan lo por yega na un acuerdo cu AZV. Nan pago en todo caso mester worde segura legalmente atravez di e clausula cu ta

determina e termino di pago pa asina evita debe acumula di parti di AZV manera antes tabata e caso cu Gobierno.

Especialistanan ta e motibo cu AZV no a yega ainda na un acuerdo final cu Hospital. Informenan ta indica cu AZV ta haya cu e mester por tin algo di bisa encuanto di decisionnan cu hospital ta tuma encuanto

expansion di cantidad di especialistanan. Cu e sistema nobo, por considera AZV como un co-financiador di Hospital loke ta encera cu hospital no por actua ariba su mes den asuntonan, cu lo afecta AZV tambe.

Pa Hospital pues tambe e fase transitorio a worde alarga, mientras ta yega na un acuerdo final.

CRY CRY BABY!!



TELEFONNAN
DI DIARIO
826747
FAX
828551